


## Саодат бу...



16:00 / 11.02.2023 1619

Today газетаси тарихда энг узоқ вақт давом этган тадқиқот ҳақида хабар тарқатди. Бу тадқиқот 85 йил давом этган. Тадқиқотни Гарвард университети олиб борган. У «Ҳақиқий баҳт нимада?», деган мавзу эди! Бу тадқиқотда юзлаб тадқиқотчилар иштирок этишди. Минглаб кишиларнинг ҳаёт йўлини кузатиши. Юзлаб таҳқиқлар ва солиштиришлар олиб бориши. Ота-ӯғилларни, эр-хотинларни, бобо ва набираларни, бойлар ва фақирларни, машҳурлар ва оддий инсонларни ўрганиши. Охирида хулоса қуйидагича бўлди:

«Саодат роҳат ва ҳордик чиқаришда эмас, саодат мол-давлатда эмас, саодат ишдаги ютуқда эмас экан. Ҳақиқий саодат ўзаро алоқаларни шакллантириш, роҳатбаҳш дўстлик ва севилиш ва севишдадир!»

Атрофига аҳблари бўлган кишилар омонлиқдадирлар. Модомики, хонадонингиз муҳаббатла илиқ экан, ташқи совуқ алоқалар уни буза олмайди!

Модомики, оила мустаҳкам экан, ташқаридан уни ҳеч ким вайрон қила олмайди!

Модомики, уйингиз жаннат экан, ташқи оламнинг дўзахлиги унга таъсир қила олмайди!

Бунинг акси ҳам бўлиши мумкин!

Оилангизда эътиборингиз бўлмаса, бутун олам сизни қадрлашининг нима фойдаси бор?!

Яхши ширкатингиз бўлса-ю, уйингиз бир уюм тош бўлса бундан нима фойда?!

Тўғри, мол жуда муҳим. Буни ақлли инсон инкор қилмайди. Диплом керак бўлади. Ишда муваффақият керак. Аммо саодат буларга эришишда эмас, уларни қандай ишлатишда!

Саодат сенга икки кўзини фидо қила оладиган аёлинг борлигидадир!

Саодат тиканнинг қалбига киришига рози, аммо сенинг оёғингга киришига рози бўлмаган турмуш ўртоғинг борлигидадир!

Саодат сени ўзига ўрнак деб биладиган фарзандларинг борлигидандир!

Саодат сенга таянч бўла оладиган, дунё юз ўгирганда сенга асо бўла оладиган дўстларнинг борлигидадир!

Саодат бу сендан рози отанг ва онангнинг борлигида!

Саодат бу бирингиз юрак, бошқа бирингиз унинг уриши каби ака-укаларингизнинг борлигидадир!

Саодат муҳаббат асосида жамланадиган, бир-бирининг қўлидан тутадиган қўшниларингизнинг борлигидадир!

Саодат бу баҳтли бўлиш ва баҳтли қилишда, севиш ва севилишда, ёқтириш ва ёқишида ҳамда буларнинг бари Аллоҳ ризоси учун бўлишидадир!

**Абдулқодир Полвонов**